

Wie war des selmols?

Schun als Kind un Jugendlich han ich kaum erwarte kenne, dass mer Silvester feire. Des war selmols ganz annerscht als heitzutach. Mir han wie gewöhnlich noh em Betlochleite owets zu Nacht gess, meischt gfilltes Kraut mit gekochtem Worscht. Dernoh han mer uns, die ganzi Familie, scheen angezoo un sin ins Wertshaus gang. Erschter han die Jugendliche un jung Verheiratne e Theaterstick gspilt, de Dorfchor hat vierstimmichi Volkslieder gsung un Lehrerinne han Gedichter ufgsaat Erschter dernoh sin die Musikante uf die Biehne un es Baal hat anfang. Um Mitternacht hat mer sich naner Glick gewünscht un weiter getanzt.

Naupe zum Jahreswechsel

Wie ich dann uf Temeschwar kumm sin, do hat mer in der Arweit, vun de Nochberschleit so allerhand gheert, was mer in dere Nacht zwischer de zwaa Johre esse soll, for dass es kummendi Jahr besser als es vorherichi sin soll. Is jo klor, des hat schun a was mit Awerglaawe zu tun. Doch mer will doch nit zruck stehn un halt sich dran. Oder a nit! Jedenfalls solls gut sin, an Neijohr ke Gfliegel zu esse. Weil die Hingle, sie scharre jo zruckzus un mer will doch vorwärts schau. Mer soll uf jede Fall Fisch esse. Weil mer dann munter wie e Fisch dorchs neiji Jahr schwimme werd! Un mer soll Trauwe esse. 12 Perle. For jeds Monat eeni. Dann kummt mer sorchelos dorchs Jahr, hat immer genuch zu esse un es neetichi „Kleengeld“ im Sack!

E Fischknoche im Rache

Mir esse jo gheere Fisch. Wann manchi Sort nor nit so villi Gräte hätt! Also sin mer vor Silvester in de Supermark un han uns vorghol: Mir losse uns nit lumpe! Mir vergunne uns Lachs. Der soll jo „knochefrei“ sin. Dass mer halts so munter wie meeglich dorchs Jahr kumme.

Der Lachs is uf de Gratar kumm, war knuschprich wie nor un mir han noh eem Stampf Raki anfang an dem appetittliche Gericht zu schmause. Ufmol han ich was im Rache gespiert un gleich han ichs mit de Ängschter zu tun kriet. Wann des e Fischknoche is? Ich han mich nimi getraut nuner zu schlicke. Es is mer so villes dorch de Kopp gang. For Sekt trinke, dass es nuner geht, wars zu frieh. Also han ich mit Wasser gschwenkt. Doch die ganzi Nacht han ich was im Rache gespiert. Oder gement zu spiere. Nitemol de Sekt um Mitternacht hat geschmeckt. Awer Hauptsach war: Mir han zum Jahreswechsel Fisch gess!